

Қонаев қаласының мұқтаж азаматтарының жекелеген санаттарына қалалық қоғамдық көлікте (таксиден басқа) жеңілдікпен жол жүруді ұсыну туралы

Күшін жойған

Алматы облысы Қонаев қалалық мәслихатының 2025 жылғы 21 ақпандағы № 39-144 бірлескен шешімі және Алматы облысы Қонаев қалалық әкімдігінің 2025 жылғы 21 ақпандағы № 194 қаулысы. Алматы облысы Әділет департаментінде 2025 жылғы 25 ақпанда № 6215-05 болып тіркелді. Күші жойылды - Алматы облысы Қонаев қалалық мәслихатының 2026 жылғы 10 наурыздағы № 60-201 бірлескен шешімімен және Алматы облысы Қонаев қаласы әкімдігінің 2026 жылғы 10 наурыздағы № 178 бірлескен қаулысымен

Ескерту. Күші жойылды - Алматы облысы Қонаев қалалық мәслихатының 10.03.2026 № 60-201 бірлескен шешімімен және Алматы облысы Қонаев қаласы әкімдігінің 10.03.2026 № 178 бірлескен (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

Қазақстан Республикасының Бюджет кодексінің 56-бабы 1-тармағының 4) тармақшасына, "Қазақстан Республикасындағы көлік туралы" Қазақстан Республикасы Заңының 13-бабына, Қазақстан Республикасының "Қазақстан Республикасындағы жергілікті мемлекеттік басқару және өзін-өзі басқару туралы" Заңының 6-бабы 1-тармағының 15) тармақшасына және 31-бабының 2-тармағына сәйкес Қонаев қаласының мәслихаты ШЕШІМ ҚАБЫЛДАДЫ және Қонаев қаласының әкімдігі ҚАУЛЫ ЕТЕДІ:

1. Қонаев қаласы азаматтарының келесі санаттарына қалаішілік қоғамдық көлікте (таксиден басқа) тегін жол жүру белгіленсін:

1) Қазақстан Республикасының "Жаппай саяси қуғын-сүргіндер құрбандарын ақтау туралы" Заңымен белгіленген тәртіпте ақталған Қазақстандағы 1986 жылғы 17-18 желтоқсан оқиғаларына қатысқаны үшін саяси қуғын сүргінге ұшыраған тұлғаларға;

2) екінші және үшінші топтағы мүгедектігі бар адамдарға және он сегіз жасқа дейінгі мүгедектігі бар балаларға;

3) он сегіз жасқа дейінгі мүгедектігі бар балаларды алып жүретін адамдарға.

2. Осы бірлескен Қонаев қаласы мәслихатының шешімі және Қонаев қаласы әкімдігінің қаулысының орындалуын бақылау қала әкімінің жетекшілік ететін орынбасарына жүктелсін.

3. Қонаев қаласының әкімдігі тасымалдаушылардың әлеуметтік мәні бар маршруттарға және жеңілдік берілген жолаушылар санаттарын тасымалдау қызмет көрсетуді іске асыруға байланысты залалдарын өтеуді қарастырсын.

4. Осы бірлескен Қонаев қаласы мәслихатының шешімі және Қонаев қаласы әкімдігінің қаулысы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қонаев қаласының әкімі

Қонаев қаласы мәслихатының төрағасы

А. Бердіханов

С. Нұрқадыров

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК